

# **REFERAT SAA- Sanarfinermut Avatangiisinullu Ataatsimiititaq d. 01-09-2022**

**Mødedato** Torsdag d. 01. september 2022 kl. 18:00

**Mødested** Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Siulittaasup aalajangiinera: Kitaani qaleralittassat amerlineqarneri pillugit tusarniaanermi akissutit j	6
Kommunimut pilersaarummut tapiliussap 3A8-4 Iiminaq, Nuuk inaarutaasumik akuersissutigineqar	11
Oqaluuserisassanut tapiliusseq: Ingerlatsiviup 2023-mut sanaartugassatut missingersuutitut kissaat	14
Lukket.....	18
Taasariaqartut allat.....	19
Imaqarniliap akuerineqarnera.....	20

## **Punkt .: Saqqaa**

### **Ilaasortat:**

Finn Karlsen (N), *siulittaasoq*

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Justus Hansen (D)

Peter Davidsen (S)

Dines Mikaelson (S)

### **Beslutning**

#### **Ataatsimeeqataasut:**

Finn Karlsen (N), *formand*

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Peter Davidsen (S)

Dines Mikaelson (S)

#### **Attaveqaatitigut peqataavoq:**

Justus Hansen (D)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

**Punkt .: Nalunaarutit**

# **Punkt 1: Siulittaasup aalajangiinera: Kitaani qaleralittassat amerlineqarneri pillugit tusarniaanermi akissutit pillugit siulittaasup aalajangiinera**

## **Beslutning**

Ilisimatitsissut tusaatissatut tiguneqarpoq.

## **Bilag**

Tusarniaanermut atortut

Bilag til høringsmateriale.pdf

Kitaani qaleralinnut avataasiortunut aqutsinissamik pilersaarut

ICES-imit NAFO-millu 2022-mut aalisarnermut siunnersuutit eqikkarneqarnerat ulloq 15 juni 2021-mi Pinnortitaleriffimmit saqqummersinneqartoq

2022-mi sinerissap qanittuani pisassanit pisarineqarsimasut



## Siulittaasup aalajangiinera: Kitaani qaleralittassat amerlineqarneri pillugit tusarniaanermi akissutit pillugit siulittaasup aalajangiinera

Ilisimatitsissut

SagsID.: EMN-2022-06079

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- siulittaasup aalajangernerera tusaatissatut tiguneqassasoq

### Suliassamik saqqummiussineq

Aalisarneq pillugu Siunnersuisooqatigiit ataatsimeeqataasartullu ulloq 05.08 2022 Paamiuni-Qaqortumi 2022-mut qaleralittassat amerlineqarnissaat pillugu ulloq 12.08.2022-mut killilimmik tusarniummik tigusaqarput. Tusarniut ilanngussaq 1-mi oqaasertai ilanngullugit takuneqarsinnaavoq. Tusarniaanermi akissut KNAPK'p immikkoortumi tassanerpiaq pisassanik qaffaaneq pillugu qinnuteqaataanik tunngaveqarpoq.

Kommunit aalisarneq pillugu siunnersuisooqatigiit suleriaatsimut piunasaqaataat naapertorlugu ataatsimik sinniisoqarput najuuttartussamik, ataatsimiinnermi taasisinnaatitaangitsumik. §3 naapertorlugu aalisarneq pillugu siunnersuisooqatigiit suliassaat pillugit Naalakkersuisut aalisarneq pillugu siunnersuisooqatigiinnut ilaasortanut tamanut ataatsimeeqataasartunullu allakkatigut tusarniaatitsisinnaapput, tusarniullu una taanna malillugu tusarniutaavoq. Tusarniut una kommunit sinniisaannit Kommuneqarfik Sermersuumut Kommune Kujallermullu nassiunneqarpoq. Suliamik saqqummiussinermi matumani pineqarpoq Kommuneqarfik Sermersuup kisimi tusarniummut isummernissaa.

Kitaani qaleralinnik avataaneersunik aqutsinissamut pilersaarut, tusarniummi matumani pineqartoq, Kalaallit Nunaata aalisarnermut oqartussaaffigisaani basisliniemiit avammut 3 sòmilit tikillugit aalisarfiusunut tunngavoq, taamaattumik sinerissap qanittuani basisliniemiit 3 sòmilit iluanni sinerissap qanittuanut tunnganani, ilanngullugit kangerluit, sinerissap qanittuani qaleralinniarfiusartut. Allatut oqaatigalugu avataaneersunik qaleralinniarneq pineqarpoq sinerissallu qanittuani qaleralinniarneq pineqarani.

2021 qaleralinniarnermut 222 tonsit siunnersuutigineqarput, pisassallu 618 tonsinut appartinneqarlutik, pisarineqartullu 518-iullutik. Ukioq 2022-mi 222 tonsit siunnersuutigineqarput, 519 tonsinik pisassiisoqarluni, ullorlu 04.08.2022 pisarineqartut 389-ullutik.

### Najoqqutassiat

Aqutsiveqarfimmut tunngatillugu najoqqutassiat tassaapput Naalakkersuisut kitaani qaleralinnut avataasiortunut aqutsinissamik pilersaarutaat kiisalu Naalakkersuisut ukiumoortumik pisassiissutaat. Naalakkersuisut kitaani qaleralinnut avataasiortunut aqutsinissamik pilersaarusiornikuupput, piffissami 2021-mit 2025-mut atuuttussamik. Aqutsinissamut pilersaarut ilanngussaq 2-mi takuneqarsinnaavoq.

Naalakkersuisut aalisarnermut inatsit malillugu kalaallit nunaanni aalisarneq aquppaat, taamaattumillu nunami inatsisit nunallu tamalaat akornanni isumaqatigiissutit eqqarsaatigalugit ukiumoortumik TAC'nik (ataatsimut pisassat) aalajangersuisarlutik.



Suliassaqarfimmi aqutsinermut pilersaarut malillugu ukioq manna TAC (ataatsimut pisassat) ima agguataarneqarput:

- TAC-mik tamarmiusumik aalajangiisoqareerpat, taanna Naalakkersuisunit Canadamut assigiisumik avitseqatigiissutigineqassaaq (50/50%)
- Tamatuma kingorna Kalaallit Nunaanni TAC aqutsiveqarfinnut Kalaallit Nunaata Kitaata Avannaanut Kalaallit Nunaatalu Kitaata Kujataanut Naalakkersuisut agguassavaat.
- Tamatuma kingorna Norgemik, Ruslandimik Savalimmiunillu kiisalu Joint Comitteep EU Kommissionimik ataatsimeeqateqarnerini illugiilluni isumaqatigiinniarnert Naalakkersuisut naammassissavaat. Ataatsimiinnerit taamaattut inernerattut avataani qalerallit aalajangersimasumik annertussusillit nunat pingajuannut pisassanngortinneqarsinnaapput
- Kalaallit Nunaanni TAC-p ilaa Canadamut avitseqatigiinnerup nunallu marluk isumaqatigiinniarnertisa kingorna sinneruttoq Kalaallit Nunaanni aalisariutaatileqatigiiffinnut aalisartunullu pisassanngortinneqassapput

Tamanna isumaqarpoq ukiumut pisassat Kalaallit Nunaata Kitaata Avannaanut Kalaallit Nunaatalu Kitaata Kujataanut agguarneqassasut kingornalu nunani allani aalisartunut, sinneruttullu Kalaallit Nunaannit aalisariutaatileqatigiiffinnut aalisartunullu agguanneqassasut.

Aqutsinermut pilersaarummi inuiaqatigiinni aningaasaqarneq inuussutissarsiornerlu eqqarsaatigalugit ukiumut pisassani nikingassutit annertuut pinaveersaarniarneqarput, taamaattumillu ukiumoortumik TAC'it annerpaamik ukiumut 15%-nik nikingassuteqartinniarneqartariaqarlutik.

Aqutsinermut pilersaarummi immap naqqani kilisaneq immap naqqanut ulorianaateqartoq eqqaaneqarpoq, ningittagarsorlunilu aalisarneq piffissami sivikinnerusumi sivisunerusumilu aalisariaatsitut piujuartitsinerusutut isigineqarluni. Ilutigaluguli aqutsinermut pilersaarummi aqutsiveqarfimmi kilisaatit immap naqqanut pitsaanngitsumik sunniuteqarnerinut misissuinernik sukumiinerusunik amigaateqartoqartoq allaqqavoq.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersooq imaluunniit kommunit allat aalisarnermut Kalaallit Nunaanni Namminersorlutik Oqartussat isumagisaannut oqartussaassuseqanngillat. Aalisarnerli kommunip aningaasaqarneranut annertuumik pingaaruteqarpoq. Aalisarneq ingerlalluaraangat ingerlanerlukkaangalluunniit kommunip aningaasaqarneranut sunniuteqartarpoq, kommunimi ingerlatseqatigiiffiit inuillu akileraarutaasigut malugineqartarlutik. Taamaattumik kommunimut aalajangiisuuvoq, piffissami qaninnerusumi ungasinnerusumilu nungusaataanngitsumik aalisartoqassasoq.

Qulaani allanneqartut matumani tusarniaaneq Paamiuni Qaqortumilu avataaneersunik qalerallinniarnermut tunngavoq. Assersuutigalugu sinerissap qanittuani qalerallinniarnermi pisassat immikkoortumi tassanerpiaq 2022-mi 519 tonsiupput ilanngussaq 4 naapertorlugu, tassani juulip naalernerani 389 tonsit aalisarneqarsimallutik. Nuup eqqaani 859 tonsit pisassiissutigineqarput, juulillu naalernerani 388 tonsit tulaanneqarlutik. Aarlerinaateqarpoq, piffissap ingerlanerani sinerissap qanittuani qalerallinniarnermi pisassiissutit ikilisinneqarnissaat, imaani aalisarnermi annertussutsit innersuussutigineqartut ataavartumik aalisarneqaannassappata. Taamaallilluni aalisariutit mikinerit anginerillu akornanni pisassiissutinik pingaarnersiuneq tunngaviatigut pineqarpoq.

Ingerlatsivimmit inussiarnersumik innersuussutigineqarpoq Pinngortitaleriffik aqqutigalugu ilisimatuussutsikkut siunnersuisoqassasoq. Pinngortitaleriffik allagaammik suliaqarput "ICES-imit



NAFO-millu aalisakkat pillugit 2022-mut siunnersuinerit eqikkarnerat ulloq 15.06.2021-meersoq, llanngussaq 3-mi takuneqarsinnaasoq. Taanna naapertorlugu Paamiuni/Qaqortumi 222 tonsiussasut siunnersuutigineqarpoq. Siunnersuinermi 1960-miit 2020-mut paasissutissat tunngavigineqarput, siusinnerusukku ukiuni qulikkaani annertuumik kinguneqartumik aalisapiluttoqarsimanera ukiuni qulikkaani pingasuni aalisagaqassutsip annertusarneqarneranik kinguneqarpoq. Ullumikkut nunarsuarmi piujuartitsineq pillugu annertusiarortumik suliniuteqartoqarpoq, tamatumalu kinguneraa, tunisassiat piujuartitsiviusumik pissarsiaasut nioqqutigineqartulluunniit atuisunit pingaartinneqarnerulernerat. Taamaattumik ilisimatuussutsikkut siunnersuinerup namminersorlutillu oqartussat pisassiissutaasa aalajangersimasut akornanni ataqatigiinneqanngippat, tamanna Kalaallit Nunaata tusaamaneqarneranik avammullu tunisassiorneranik ajoqusiisinnaavoq.

Naalackersuisut aqutsinissamut pilersaarutaanni ataani allaaserineqartut naapertorlugit siunnersuutigerusunnaarpoq tulluittut pingaartinneqarnissaat:

- Qalerallit amerliartupallannissaasa siunertarineqarnera eqqarsaatigalugu kilisanneq pinnagu ningittagarsorluni aalisarnermik siuarsaarnermik aqqissuussisoqarnissaa
- Inuussutissarsiorneq eqqarsaatigineqassaaq pisassiissutit nikerarpallaarnissaat pinaveersaarniarlugu, aammattaaq inuussutissarsiornerup ukiuni tulluittuni qaninnerni ilisimatuussutsikkut siunnersuinerup naleqqussarnissamik najoqqutalerneqartariaqarneranik tamanna isumaqarpat
- Tunisassiornermi najoqqutassanik qulakkeerinnittoqassaaq, taamaalinnikkut aalisakkanik tulaassukkanik kiilumut naleqarnerulersitsisoqarnissaanut periarfissat annertunerulissammata, kiilumut akit nikisinnagit pisassat amerliartuinnartinnagit

Pinngortitaleriffiup siunnersuineri Naalackersuisullu aqutsinissamut pilersaarutaat aallaavigalugit ingerlatsivik suliniutinik tulluittunik innersuussivoq:

1. Naalackersuisut ilisimatuut pisassiissutissat innersuussutaannik ataavartumik qaangiinernik atorunnaarsitsiartuaarnissaq pillugu periusissiamik, inuussutissarsiortut pinngortitalerisullu siunnersuutaannik eqqarsaatiginnittumik pissarsiuussasut
2. Naalackersuisut aalisakkanik pisassiissutinik agguaassinissamut periusissiuussasut, taamaalillutik aalisariutit piujuartitsinerpaasussamik aalisariaasillit isumagineqassammata
3. Naalackersuisut aalisakkat nutaat mittarfittaassat atorlugit nunanut allanut nassiussuuttarnissaannut tunngatillugu inuussutissarsiummut orniginartunik najoqqutassiornissaminnik kaammattorneqassasut

Pisassanik agguaassineq nunami neqerooruteqartitsinerup neqeroornermullu inatsisinit nalunngeriikkat aallaavigalugit neqerooruteqartitsinillit iluaqutissartalimmik pisinnaavoq. "Aningaasaqarnikkut iluanaarutissartaqarnerpaamik neqeroorneq" malillugu neqerooruteqartitsinikkut neqerooruteqartitsinermi atortuni, politikikkut ilisimatusarnikkullu anguniakkanut malunnaateqartussanik agguaassinissamut piumasaqaasersuisoqarsinnaavoq. Pisassiissutilli ukiunik naleqquttunik siviussusilerlugit neqerooruteqartitsissutigineqartariaqarput, taamaalinnikkut aalisarnermik ingerlatseqatigiiffit aalisartullu aningaasaliissutaat kiisalu atortuisa piusinnaassusaat eqqarsaatigineqassammata.

Qaleralinnik pissassiissutinut tunngatillugu ilaatigut kilisaatit atornagit ningittakkat atorneqarnissaat ilisimatusarnikkut innersuussutigineqarpoq. Aalisariaatsip agguaassinissamut piumasaqaatinut ilanngunneqarneratigut aalisariutit piujuartitsinerusumik aalisarnermut atortullit neqerooruteqartitsinermi pingaarnertinneqartassagalarput. Aalisariutit aalisakkanik nutaanik



Nuummi mittarfittaassat nutaat atorlugit Danmarkimut nunanulluunniit allanut assartuisinnaasussiisa sukkassusaat agguaassinissamut piumasaqaatitut aammattaaq atorneqarsinnaavoq.

Siunissami Nuummi Ilulissanilu toqqaannartumik timmisartuussisinnaalernissaq aalisakkanik nioqqutissianik pisisartunut assartuussinikkut pitsanngoriaateqartitsissasoq kiisalu pisat nalingi annertunerutinniarlugit aalisakkat nutaat ukiumut pisassiissutini amerlanerutinneqartassagaluartut ingerlatsivik naliliivoq. Tamannattaaq pissutigalugu aalisariutit aalisakkanik nutaanik aalisarsinnaanissaminnut periarfissallit pisassiissutinik neqerooruteqartitsinissaq eqqarsaatigalugu isumagineqartariaqarput.

Aalisakkanik nutaanik nunanut allanut nassiussuussinermi massakkumut ajoqutaasarsimasoq tassaasimavoq pisisartut aalajaatsumik nutaanillu ukioq kaajallallugu nassittarnissaannik qulakkeerinninniarnep ajornartorsiuteqarsimaneq, tamatumani ukiukkut nillertarnerata aamma pissutaaqataasarnera, tassami pisat suli apuunneqaratik qerereertarmata. 'Maniitsumi aalisakkerivimmi aalisakkat uumatitsiviit puilasuliallu atorlugit uumatinneqartarneri isumassarsiorfigalugu, pisat mittarfittaat atorlugit toqqaannartumik assartorneqarnissaasa tungaanut qerinaveersaartinneqarsinnaasariaqarput.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviumik uppernarsaatitalit**

- Aalisarneq pillugu Inatsisartut inatsisaat nr. 18, 31. oktober 1996-imeersoq (kingusinnerusukkut allannguutitalik)
- Aalisarsinnaanermut akuersissutit pisassiissutillu pillugit Namminersorlutik Oqartussat nalunaarutaat nr. 47, 18. december 2020-imeersoq
- Avataasiorluni aalisarnermik nakkutilliineq pillugu Namminersorlutik Oqartussat nalunaarutaat nr. 18, 9. decembari 2010-imeersoq

### **Siusinnerusukkut aalajangerit**

*Siulittaasup aalajangiinera, Finn Karlsen, ulloq 09.08.2022:*

Siulittaasup suliamik saqqummiussineq una Namminersorlutik Oqartussanut tusarniaanermi akissutitut akuerivaa.

### **Ilanngussat**

1. Tusarniaanermut atortut
2. Tusarniummut atortunut ilanngussat
3. Kitaani qaleralinnut avataasiortunut aqutsinissamik pilersaarut
4. ICES-imit NAFO-millu 2022-mut aalisarnermut siunnersuutit eqikkarneqarnerat ulloq 15 juni 2021-mi Pinngortitaleriffimmit saqqummersinneqartoq
5. 2022-mi sinerissap qanittuani pisassanit pisarineqarsimasut

## **Punkt 2: Kommunimut pilersaarummut tapiliussap 3A8-4 Iiminaq, Nuuk inaarutaasumik akuersissutigineqarnera**

### **Beslutning**

Inassuteqaat amerlanerussuteqartut, (IA aamma N), akuersissutigaat.

Inassuteqaat ikinnerussuteqartut, (S aamma D) itigartitsissutigaat.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Kommunimut pilersaarummut tapiliussaq 3A8-4 Iiminaq, Nuuk

## **Kommunimut pilersaarummut tapiliussap 3A8-4 liminaq, Nuuk inaarutaasumik akuersissutigineqarnera**

Aalajangiiffigisassaq

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

### **Inassuteqaat**

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamat inassuteqaatigineqarpoq:

- kommunimut pilersaarummut tapiliussaq 3A8-4 liminaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuersissanngorlugu ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppa. Kommunimut pilersaarummut tapiliussaq 3A8-4 liminaq, Nuuk siunnersuutitut nutaamik sapaatip akunnerini arfinilinni tamanut tusarniaassutigineqarpoq piffissami juunip aallaqqaataaniit juulip 13-iata 2022-p tungaanut. Nutaamik tusarniaatitsineq pivoq Kommunalbestyrelsip 22. februaari 2022-mi tamanna aalajangermagu. Taamanikkut amerlanerussuteqartunit kommunimut pilersaarummut tapiliussaq akuersissutigineqarpoq, inissianut sanaartorfissat arfinillit pinnagit.

Ingerlatsivimmit allannguutit annertuutut nalilerneqarput, taamaattumillu pilersaarusionermut inatsimmi (Pilersaarusioneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq) §24 imm. 2 maliillugu pilersaarut sapaatip-akunnerini arfinilinni nutaamik tamanut tusarniaassutigineqarpoq.

Nutaamik tusarniaassutiginerani tusarniummut akissutit sisamat tiguneqarput, taakkulu oqaaseqatigiinnik annikitsunik allannguuteqartitsinermik kinguneqarput.

Kommunimut pilersaarummut tapiliussami aalajangersarneqarpoq, immikkoortup ilaani 3A8 inissialiorfissatut atugassanngortinneqartoq (A). Kommunimut pilersaarummut tapiliussami siunertaavoq, sanaartukkat aqqissugaanerata attatiinnarneqarnissaa, suli ataqatigiissaarluarnerunissaa assigiissaarneqarnissaallu kiisalu inissiaqarfiup ineriartortinneqarnerata attanneqarsinnaasuunissaanut pilersaarusionermi tunngavissaqarnissaaq.

Kommunimut pilersaarummut tapiliussami immikkoortup ilaata 3A8-p allineqarnissaa ilaavoq aammalu sanaartorfissamik ataatsimik ilaqutariinnut ataatsinut illuliorfissamik imaluunniit najugaqatigiiffiornissamat immikkoortitsiffiulluni peqatigitillugulu inissiat uiguleriaat pioreersut allineqarsinnaaneranut periarfissiisoqarluni, taamaalilluni immikkoortoq tamanna siunissamat qulakkeerneqarluni. Immikkoortup ilaani inissiaqarfiup tungaanut aqquuserngani ingerlaviit immikkoortiterneqarneri allanngortinnerisigut pisuinnarnut biilertunullu angallannermi isumannaannerulersitsinissaaq.

Maanna atuuppoq kommunimut pilersaarummut tapiliussaq 3A8-4 kommunimut pilersaarut 3A8-3 atorunnaarsinneqarpoq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatitallit**

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusseq 3A8-4 liminaq, Nuuk

## **Punkt 3: Oqaluuserisassanut tapiliusseq: Ingerlatsiviup 2023-mut sanaartugassatut missingersuutitut kissaatai**

### **Beslutning**

Ataatsimiititap aalajangenera:

1. Tasiilamut tamakkiisumik pilersaarut
2. Ittoqqortoormiitut tamakkiisumik pilersaarut
3. Tasiilami materialegårdip allilernerqarnera
4. Tasiilami Qatserisartoqarfik
5. Aqqaluup Aneerasaartarfia
6. Holm-it illuat
7. Tasiilami kuuk sinerlugu avannaata tungaani aqqusineq
8. Kulusummi iliveqarfik nutaaq aammalu iliveqarfiup tungaanut aqqusineq nutaaq

### **Bilag**

Ingerlatsiviit sanaartugassatut kissaataat tamakkiisut

Tasiilaq pillugu Tamakkiisumik pilersaarut

Ittoqqortoormiit pillugit Tamakkiisumik pilersaarut

Tasiilami Materialegård

Aqqaluup Aneerasaartarfia

Holm-it illuat

## Ingerlatsiviup 2023-mut sanaartugassatut missingersuutitut kissaatai

Aalajangiiffigissassaq

SagsID: EMN-2022-07259

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

### Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa

- ingerlatsiviup suliassat misissueqqaarfiusussat normui tulleriarlugit pingaarnersiukkat ataatsimiititap aalajangiiffigissagai:
  - o Tasiilaq pillugu Tamakkiisumik pilersaarut
  - o Ittoqqortoormiit pillugit Tamakkiisumik pilersaarut
  - o Tasiilami Materialegård
  - o Aqqaluup Aneerasaartarfia
  - o Holm-it illuat
  - o Tasiilami Qatserisartoqarfik
  - o Kulusummi iliveqarfik nutaaq aammalu iliveqarfiup tungaanut aqqusineq nutaaq
  - o Tasiilami kuuk sinerlugu avannaata tungaani aqqusineq
- ataatsimiititap ingerlatsiviit allat sanaartugassatut pingaarnersiugaat ilisimatitsissutitut tigussagai

### Suliassamik saqqummiussineq

2023-mut missingersuutissat sularinerinut tapiliullugu ingerlatsivik sanaartugassatut kissaatinik arlalinnik ilanngussaqarpoq, missingersuutitut ilanngutsikkusutaminnik. Suliassat tamarmik naatsumik nassuiaatigineqarput, kisianni aningaasartalersornagit. Missingersuutit sularineranni ataatsimiititap susassaqtartut nalilersuutaat kissaatigineqarmata, sanaartugassanut kissaatigineqartut ilanngullugit, ataatsimiititap tamarmik qinnuigineqarput ingerlatsiviminni sanaartugassatut kissaatigineqartunik pingaarnersiueqqullugit. Ilanngullugu nassiunneqarpoq ingerlatsivinni tamani sanaartugassatut kissaatigineqartut tamakkiisut. Tamanna ilanngunneqarpoq ataatsimiititap susassaqtartut tamarmik kommunimi sanaartugassatut kissaatigineqartut amerlassusiannik malinnaasinnaaniassammata. Tassunga ilanngullugu pingaarnersiorneqassaaq, pisariaqavinnerpaat aammalu sanaartugassatut kissaatit allattorsimaffianniittut nukingernarnerpaat.

Sanaartugassatut kissaatit ataatsimiititanit susassaqtartunit nalilersuiffigineqarnissaannik kissaammut pissutaavoq, missingersuutit sularineranni ataatsimiititap susassaqtartut peqataateqqinnissaat, aammalu Sanarfinermut Avatangiisinullu Ingerlatsiviup erseqqissumik suliassanik sorlernik pingaarnersiuisoqarnissaanik nalunaaruteqarnissaa pillugu.


Tamatumunnga pissutaavoq aningaasalersueriaatsimik marloqiusamik atuilernissamut ikaarsaariartoqarnissaa, siullermik pilersaarusiornermut aningaasaliissutinik tulliatullu sanaartugassanut aningaasaliissutinik. Siullermik pilersaarusiornissamut aningaasaliissuteqartoqassaaq, sanaartugassatut kissaatigineqartut qanoq akeqassanersut misissornissaannut atugassanik, tamannalu pereerpat suliassat 2 mio. sinnerlugit akillit politikikkut sularineqassapput, sanaartornissavianut sanaartugassanut aningaasaliissutit atulinginneranni.

Imaappoq, sanaartugassatut kissaatit nutaat siullertut misissueqqaarfigineqassapput, sanaartugassatut aningaasaliiffigineqartutut aallartinneqavinneranni. Imaappoq suliassat

nutaat aallartissutigalugu misissueqqaarnissamut aningaasaliissutit atulersinnerat aqqtugalugu sanaartugassatut missingersuutinut ilanngunneqassapput.

Suliassat tamarmik aningaasartassa at eqqarsaatigalugit misissueqqaarfigineqassanngillat. Taamaattumik ingerlatsiviit suliassa atiminnik pingaarnersiueqquneqarput. Tamanna pereerpat pingaarnersiulluni allattukkat malillugit Sanarfinermut Avatangiisinullu Ingerlatsiviup suliassat misissueqqaarfiginissa at isumagissavaa.

**Takussutissiaq 1. Aningaasalersueriaaseq marloqiusaq pillugu takussutissiaq**



**Ingerlatsivimmit aningaasatigut sulisoqarnikkullu naliliinerit**

Sanarfinermut Avatangiisinullu Ingerlatsiviup 2023-mi suliassat qulit missaat qanoq annertutigineri apequtaatillugit misissueqqaarfiginissaannut ingerlatsivimmit akissaqartinneqarnersut nalilersorneqartassapput. Taamaattumik suliassat misissueqqaarfiginissaannut pingaarnersiorneqarnissa at ingerlatsiviup kaammattuutigaa.

Misissueqqaarnissanut aningaasartuutissat misissueqqaarnissanut sanaartugassanut aningaasaliissutinit matussuserneqassapput. Misissueqqaarnerit akitigut assigiinngisitaarsinnaasarput hunnorujut tusindilikka at ikittunnguaniit millionit arlallit tikillugit. Misissueqqaarisogareerpat suliassat tamarmik immikkut qanoq akeqassanersut missiliuusiorderi pissarsiarineqassapput, taakkulu suliassat allattorsimaffiannut ilanngunneqassapput qanoq akeqarnissa at missiliuusiukkat allaaserinerilu ilanngullugit.

Sanaartugassatut kissaatigineqartut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

**Suliffeqarfimmut Kiffartuussivimmit aningaasatigut naliliineq**

Suliamut tunngatillugu maannakkut aningaasartuuteqanngillat. Sanaartugassatut kissaatigineqartut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

**Inatsisitigut tunngavissaq allakkallu tunngaviusumik uppersa atitallit**

- o Kommunit Namminersorlutillu Oqartussat missingersuuta at naatsorsuutaallu pillugit Inatsisartut inatsisa at allanngortinneqarnissaa pillugu Inatsisartut inatsisa at nr. 13, 1.

december 2021-mersooq (Missingersuutit inissisimanerannik naatsorsueriaatsimik allanguineq, nammineq aningaasaatinik naleqqusnaanissamut ataasiaannartumik akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

### **Ilanngussat**

1. Ingerlatsiviit sanaartugassatut kissaataat tamakkiisut
2. Tasiilaq pillugu Tamakkiisumik pilersaarut
3. Ittoqqortoormiit pillugit Tamakkiisumik pilersaarut
4. Tasiilami Materialegård
5. Aqqaluup Aneerasaartarfia
6. Holm-it illuat

## **Punkt 4: Lukket**

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 15:25.